

یوہ آکا شوانی جموں ہے محمد اکرم تیں خبر سُنو۔

LG OP MAHADEV

لیفٹیننٹ گورنر منوج سنہا نے ڈاچی گام گا جنگل مانہ کامیاب اپریشن مہادیو واسطے فوج سی آر پی ایف تے جموں کشمیر پولیس نانہ مبارک باد دتی ہے اُنہاں نے پہلگام دہشت گردانہ حملہ گ اذمہ دار ترے پاکستانی دہشت گردانہ حملہ گا زمہ دار ترے پاکستانی دہشت گردان نانہ ختم کرن مانہ اُن گا تال میل تے بہادری واسطے فوج کی تعریف کی۔ لیفٹیننٹ جنرل پرتیک شرما جی او سی شمال کمان کی برفنگ گے دوران لیفٹیننٹ گورنر نانہ دسیو گیو کہ مشترکہ کاروائی مخصوص سولین ور مینی تھی تے پوری جنوبی کشمیر مانہ مہینہ توڑی چلائی گئی گہری تلاشی توں بعد کی گئی ہے خفیہ ایجنسیاں نے وی اس ہائی رسک تے ہائی اثر الا انداد دہشت گردی کاروائی مانہ اہم کردار ادا کیو ہے۔

AMARNATH YATRA

شری امرناتھ جی یاترہ پہلگام تے بالٹال دواں بنیادی کیمپاں توں اج معطل کردتی گئی ہے ڈویژنل کمشنر کشمیر وجے کمار بیدوریا نے دسیو ہے کہ سویر تیں لگاتار بارش گ مد نظر یاترہ نانہ دواں بنیادی کیمپاں توں اگے نیں بدن دتو گیو ہے ہون توڑی 3.93 لکھ یاتریاں نے بابا برفانی گا درشن کرلی ایہیں دریں اتنا سخت حفاظتی انتظامات غے تحت اج سویر 1339 یاتریاں ور مشتمل ایک ہور جتھو جموں توں 58 گڈیاں گا قافلہ مانہ وادی کشمیر آلیے پاسے روانہ ہوو ہے۔

CHHARI PUJA

سرینگر گا ماسوما مانہ واقع تاریخی دشمنی اکھادا مندر مانہ گزشتہ شام چھڑی پوجا کی روایتی رسم جوش و خروش گ نال ادا کی گئی ہے باہ تقریب امرناتھ یاترہ مانہ ایک اہم قدم کی نشاندہی کرے مبارک چھڑی یاترہ امرناتھ گھپا شرانین آلیے پاسے بدے گی جت آخری رسومات شون پورنما ور ادا کئی جیں گی جس نانہ رکشا بندھن ور کیو ہے۔

POONCH ENCOUNTER

پونچھ سیکٹر مانہ دہشت گرداں تے سلامتی دستاں گے بشکار اُس ویلے جھڑپ چھڑ گئی جد چوکس فوجیاں نے سرحد گے نیڑے دو شخص غی مشکوک حرکت نانہ محسوس کیو سلامتی دستاں تے دہشت گرداں گے بشکار گولہ باری گو تبادلہ ہوو ت اس ویلہ توڑی یوہ تصادم جاری ہے اپنا ایک سماجی پوسٹ مانہ وائیٹ نائیٹ کور نے دسیو ہے جے مزید تفصیلات کی اجیں اوڑیک ہے کیونجے کاروائی اجیں جاری ہے۔

CS SSIK

چیف سیکرٹری اٹل ڈلو نے سیول سیکرٹریٹ جموں تے سرینگر مانہ نواں قائم کیا گیا لیفٹیننٹ گورنر گا سینک سائینٹ کیندر نانہ فعال بنان واسطے ایک اعلیٰ سطح میٹنگ کی صدارت کی کیندر گو مقصد جموں کشمیر نال وابستہ فوجیاں واسطے ایک وقف شکایات گا ازالہ تے امدادی پلیٹ فارم گا طور ور کم کرنو ہے ہموار عمل آوری تے نگرانی نانہ یقینی بنان واسطے چیف سیکرٹری نے محکمہ داخلہ کی سربراہی مانہ ایک رہنمائی کمیٹی تشکیل دین کی ہدایت کی جس مانہ محکمہ داخلہ نوٹل ایجنسی گا طور ور کم کرے گو ت نال ہی آڈیشنل سیکرٹری سطح گو افسر ایس ایس کے معاملات نانہ سنبھالان واسطے مقرر کیو جے گو چیف سیکرٹری نے خدمت کرن آلا فوجیاں کی فلاح و بہبود مانہ مدد واسطے ایک مضبوط جواہدہ نظام بنان ور زور پایو ہے۔

JOINT COMMITTEE BIRDS

ڈویژنل کمشنر رامیش کمار کی صدارت مانہ ایک میٹنگ گے بعد جموں ہوائی اڈہ گے نیڑے پرندوں گے متعلق خطرات توں نمڑن واسطے ایک مشترکہ کمیٹی تشکیل دتی ہے اے ڈی ڈی سی جموں شیر سنگھ کی قیادت مانہ اس کمیٹی مانہ جموں میونسپل کارپوریشن کٹانمنٹ بورڈ اے اے آئی تے انیر فورس سٹیشن جموں توں ممبران شامل ہیں تشکیل شدہ یا کمیٹی زمینی سطح ور کم کرے گی تے ایک ہفتہ گے اندر رپوٹ پیش کرے گی جس مانہ احتیاتی تدابیر تجویز کی جیں گی ہوائی اڈہ گا گرد نوا مانہ گند گا ڈھیر پرندوں نانہ اپنے پاس متوجہ کرن کی ایک بڑی وجہ گا طور ور شناخت کیا گیا تھا انتظامیہ نانہ ہدایت کی گئی ہے جے وے کچرہ نانہ ٹھکانے لان واسطے مضبوط اقدام کریں تے نال ہی علاقہ مانہ ہوا بازی کی حفاظت نانہ یقینی بنان واسطے آگاہی مہم شروع کریں۔

WEATHER

محکمہ موسمیات نے اج جموں کشمیر مانہ چند مقامات ور تیز بارش تیز ہواواں تے کوڑھ چھڑ گا امکان کی پیش گوئی کی ہے محکمہ نے کہیو ہے کہ حساس علاقوں مانہ سیلاب زمین کھسکن مٹی گا تودہ پین غو خدشو ہے متاثرہ علاقوں مانہ رین آلا لوکاں نانہ مشورو دتو گیو ہے کہ وے ہوشیار رہیں تے زمین کھسکن آلا مقامات ور سفر کرن تیں گریز کریں۔
